




Republika e Kosovës / Republika Kosovo
Kuvendi Komunal Dragash / Skupština Opštine Dragaš
Drejtorija për Mbrojtje, Shpëtim dhe Shërbime Publike
Direktorat za Zaštitu, Spašavanje i Javne Usluge



DATE/A:	23/01/2026
REFERENCE-E:	
PER/ZAT/TO:	Shërbimi i Kuvendit Zyre e Kryetarit të Komunës
CC:	
PËRMES/PREKO/TROUGHT:	Protokollit
NGA/OD/FROM:	Drejtorija për Mbrojtje, Shpëtim dhe Shërbime Publike Redzep Ibraimi
TEMA/SUBJEKAT/SUBJECT:	 Raporti i punës së DMSHSHP-së për vitin 2025

Të nderuar, me këtë Ju dërgoj

RAPORTI I PUNËS SË DMSHSHP-SË PËR VITIN 2025

REPUBLIKA E KOSOVËS
REPUBLIKA KOSOVA
Komuna e Dragashit
Opština Dragaš

02 Nr. Br. 052/01-1736/26
23.01.2026
Dragash - Dragaš



RAPORTI I PUNËS

Drejtorati për Mbrojtje, Shpëtim dhe Shërbime Publike për vitin 2025

I. Hyrje

Raporti vjetor mbi punën e Drejtoratit për vitin 2025 përfshin një pasqyrë të aktiviteteve të realizuara gjatë periudhës raportuese, në përputhje me kompetencat e Drejtoratit sipas Statutit të Komunës së Dragashit, vendimeve të Kuvendit Komunal të Dragashit, vendimeve dhe urdhrave të Kryetarit të Komunës, legjislacionit në fuqi, si dhe Planit të Punës së Drejtoratit për vitin 2025.

Raporti është hartuar në bazë të evidencës zyrtare të aktiviteteve, dokumentacionit administrativ dhe financiar, regjistrit të lëndëve zyrtare si dhe raporteve të Njesisë së Zjarrfikësve, dhe ka për qëllim të sigurojë një pasqyrë transparente dhe të qartë mbi punën e Drejtoratit për nevojat e Kryetarit të Komunës dhe Kuvendit Komunal.

Drejtorati në mënyrë të vazhdueshme ka ushtruar detyrat nga fusha e kompetencave të tij, në koordinim me drejtoritë e tjera komunale, ndërmarrjet publike dhe institucionet përkatëse.

Sa i përket bashkëpunimit me institucionet dhe partnerët, Drejtorati ka realizuar bashkëpunim intensiv me institucione vendore dhe ndërkombëtare:

- Implementimi dhe përfundimi i projektit GGP në bashkëpunim me Ambasadën e Japonisë.
- Bashkëpunim me KFOR-in, Ministritë, komunat fqinje dhe partnerë të tjerë relevantë.
- Pjesëmarrje në takime, punëtori dhe dëgjime publike.

II. Shërbimi për ndërhyrje emergjente dhe zjarrfikëse

Me Planin e Punës për vitin 2025 është paraparë forcimi i kapaciteteve të Njesisë së Zjarrfikësve përmes avancimit të burimeve njerëzore, pajisjes teknike dhe gatishmërisë operative.

Në përputhje me këtë, gjatë vitit 2025 janë realizuar aktivitetet në vijim:

- Kryerja e vazhdueshme e detyrave operative të Njesisë së Zjarrfikësve në Dragash, duke përfshirë ndërhyrjet në zjarre, ndërhyrje teknike, sanimin e pasojave nga përmbytjet, reshjet e borës dhe situata të tjera emergjente.
- Mbajtja e evidencës dhe hartimi i raporteve të detajuara statistikore mbi ndërhyrjet e zjarrfikësve për periudha të ndryshme kohore, të cilat i janë dorëzuar Komitetit për Sigurinë e Komunitetit, strukturave komunale dhe partnerëve të jashtëm.
- Realizimi i aktiviteteve që lidhen me regjistrimin, sigurimin dhe kontrollin teknik të automjeteve zjarrfikëse, duke siguruar rregullsinë e plotë teknike dhe ligjshmërinë e përdorimit të tyre.
- Furnizimi me pajisje, karburant dhe materiale teknike për nevojat e Njesisë së Zjarrfikësve, në përputhje me mjetet e planifikuara.
- Fillimi dhe zhvillimi i procedurave administrative për punësimin e zjarrfikësve të rinj, në përputhje me Planin e Punës që parasheh rritjen e numrit të ekzekutuesve për shkak të mungesës së stafit ekzistues.
- Mbajtja e takimeve të rregullta me komandantin e Njesisë së Zjarrfikësve me qëllim analizimin e gjendjes, planifikimin e patrullimeve gjatë sezonit veror dhe përmirësimin e masave parandaluese.

Me qëllim të zvogëlimit të rrezikut për qytetarët dhe pronën, është i domosdoshëm veprimi i vazhdueshëm parandalues. Në përputhje me këtë, Drejtorati ka realizuar aktivitetet në vijim:

- Organizimi i vizitave parandaluese në zonat me rrezik në territorin e komunës së Dragashit.
- Përgatitja dhe shpërndarja e njoftimeve dhe thirrjeve drejtuar qytetarëve për ndalimin e ndezjes së zjarrit në hapësira të hapura, veçanërisht gjatë sezonit veror.
- Pjesëmarrja në punën e Këshillit Komunal për Siguri në Bashkësi (KKSB) përmes takimeve të rregullta, raportimit dhe propozimit të masave parandaluese.
- Organizimi i ligjëratave dhe aktiviteteve edukative në shkolla, në bashkëpunim me Njësinë e Zjarrfikësve, me qëllim ngritjen e vetëdijes së fëmijëve dhe të rinjve për mbrojtjen nga zjarri dhe sjelljen në situata emergjente.

Gjatë vitit janë realizuar aktivitete që lidhen me hartimin e dokumenteve planifikuese dhe analitike në fushën e mbrojtjes dhe shpëtimit. Është iniciuar procedura për hartimin e dokumentit “Vlerësimi i rrezikut nga fatkeqësitë natyrore dhe fatkeqësitë e tjera për Komunën e Dragashit”, përfshirë nisjen e procesit për formimin e grupeve punuese dhe bashkëpunimin me institucionet

përkatëse me qëllim grumbullimin e të dhënave të nevojshme, si dhe dorëzimin e raporteve dhe përgjigjeve ndaj institucioneve rajonale dhe shtetërore lidhur me planet e mbrojtjes nga përmbytjet, rrëshqitjet e dheut dhe erozioni.

Gjatë vitit 2025, në territorin e komunës janë regjistruar gjithsej 101 zjarre të karaktereve të ndryshme. Numri më i madh i ndërhyrjeve është evidentuar gjatë muajve të verës, veçanërisht në Korrik, Gusht dhe Shtator, gjë që është e pritshme duke pasur parasysh kushtet klimatike dhe rritjen e rrezikut nga zjarret fushore dhe pyjore. Zjarret kanë përfshirë objekte banimi, sipërfaqe pyjore dhe bujqësore, objekte ndihmëse, deponi, si dhe infrastrukturë elektro-energjetike. Falë reagimit në kohë të Njësisë së Zjarrfikësve, është parandaluar një dëm më i madh material dhe janë shpëtuar jetë njerëzish.

Përveç kësaj, janë realizuar 93 shërbime dhe ndërhyrje teknike, të cilat kanë pasur të bëjnë me ofrimin e ndihmës së drejtpërdrejtë për qytetarët në terren, masa parandaluese dhe ndërhyrëse, si dhe bashkëpunim me institucione të tjera kompetente. Këto kanë përfshirë asistencë në aksidente trafiku, largimin e pengesave, sanimin e pasojave nga fatkeqësitë natyrore dhe situata të tjera që kanë kërkuar veprim urgjent të shërbimeve të mbrojtjes dhe shpëtimit.

Veçanërisht theksoj muajin Tetor, kur për shkak të kushteve të pafavorshme atmosferike dhe rritjes së numrit të kërkesave, është shënuar numri më i madh i këtyre ndërhyrjeve.

Muaji	Zjarret (gjithsej)	Ndërhyrjet teknike	Shërbimet e qytetarëve	Gjithsej intervenime
Janar	4	1	2	7
Shkurt	3	1	3	7
Mars	7	1	1	9
Prill	6	3	3	12
Maj	3	1	1	5
Qershor	4	1	2	7
Korrik	28	1	21	50
Gusht	16	0	7	23
Shtator	16	1	7	24
Tetor	2	11	11	24
Nëntor	5	3	2	10
Dhjetor	7	1	8	16

Gjithsej	101	25	68	194
-----------------	------------	-----------	-----------	------------

Paraqitje tabelare e ndërhyrjeve sipas muajve për vitin 2025

Lloji i zjarrit	Nr.
Zjarre pyjore	32
Zjarre fushore	35
Objekte banimi	14
Objekte ndihmëse (stalla, garazhe)	7
Deponi	6
Objekte elektro-energjetike (kabinete, trafo)	6
Objekte afariste	1
GJITHSEJ	101

Paraqitja tabelare e strukturës së zjarreve sipas llojit në nivel vjetor

III. Shërbimet Publike

1. Menaxhimi i mbeturinave

Në përputhje me aktivitetet e planifikuara, Drejtorati gjatë vitit 2025 ka intensifikuar bashkëpunimin me kompaninë rajonale “Ekoregjioni” për zgjerimin e sistemit të mbledhjes së mbeturinave në vendbanime të reja, me masën konkrete për përfshirjen e 7 fshatrave të mbetur jashtë sistemit deri në vitin 2025 në sistemin e menaxhimit të mbeturinave.

Drejtorati gjithashtu ka organizuar shumë takime me qytetarët dhe këshillat e fshatrave me qëllim zgjidhjen e problemeve të hedhjes së mbeturinave.

Është kryer pranim-dorëzimi i kontejnerëve dhe përmirësimi i logjistikës së mbledhjes së mbeturinave, si dhe monitorimi i rregullt i realizimit të kontratave dhe përmbushja e obligimeve financiare ndaj ofruesve të shërbimeve.

2. Ndriçimi publik

Në përputhje me Pikën III të Planit të Punës – Përmirësimi i infrastrukturës dhe shërbimeve publike, janë ndërmarrë hapa për avancimin e sistemit të ndriçimit publik. Gjatë periudhës raportuese, Drejtorati ka:

- Regjistruar dhe përpunuar kërkesat e këshillave të fshatrave për marrjen e përgjegjësisë së pagesës së ndriçimit publik nga ana e Komunës.
- Komunikimi me kompaninë KEDS lidhur me vendosjen e matësve të rinj, ndryshimin e emrit të matësve dhe zgjidhjen e çështjeve teknike.
- Përgatitur vendime dhe akte që rregullojnë pagesën dhe mirëmbajtjen e ndriçimit publik.
- Përbushur rregullisht detyrimet lidhur me konsumimin e energjisë elektrike.

3. Furnizimi me ujë, kanalizimi dhe kroje publike

Sa i përket furnizimit me ujë dhe mirëmbajtjes së infrastrukturës, Drejtorati gjatë vitit 2025 ka realizuar një sërë aktivitete në këtë fushë përmes bashkëpunimit të vazhdueshëm me KRU “Hidroregjioni” lidhur me furnizimin me ujë dhe mirëmbajtjen e rrjetit të kanalizimit, zgjidhjen e problemeve që lidhen me kroat publike, kontrollin e konsumit të ujit dhe përbushjen e obligimeve, si dhe përmes pjesëmarrjes në realizimin e projekteve kapitale për rehabilitimin e rrjeteve të ujësjellësit dhe kanalizimeve.

IV. Investimet kapitale

Në përputhje me Programin e Investimeve Kapitale të Komunës së Dragashit për vitin 2025, Drejtorati ka marrë pjesë në planifikimin, koordinimin dhe raportimin për projektet kapitale të mëposhtme, të cilat lidhen drejtpërdrejt me fushat e shërbimeve publike, infrastrukturës komunale, mbrojtjes dhe sigurisë:

1. Ndriçimi Publik

1. Ndërtimi i ndriçimit publik në qendër të fshatit Globoçicë, 004/621-25-1628-5-2-1
2. Ndërtimi i ndriçimit publik në qendër të fshatit Brrut, 011/621-25-2616-5-2-1
3. Ndërtimi i ndriçimit publik në qendër të fshatit Pllav (projekt dyvjeçar), 017/621-25-3211-5-2-1
4. Ndërtimi i ndriçimit publik në qendër të fshatit Kuklibeg (projekt dyvjeçar), 014/621-25-3035-5-2-1
5. Ndërtimi i ndriçimit publik në qendër të fshatit Rrencë, 039/621-25-4852-5-3-5
6. Mirëmbajtja e ndriçimit publik në territorin e Komunës së Dragashit (projekt trevjeçar), 069/621-25-7854-2-1-1
7. Ndërtimi i ndriçimit publik në qendër të fshatit Globoçicë – Faza 2, 076/621-25-8483-2-3-6

2. Furnizimi me ujë dhe kanalizimi

- 1) Ndërtimi i kanalizimeve dhe ujësjellësit në qendër të fshatit Kapre, 15/621-25-3050-5-2-1
- 2) Rehabilitimi i ujësjellësit, kanalizimeve dhe kanaleve në të gjithë territorin e Komunës së Dragashit – projekt me kohëzgjatje 36 muaj, 022/621-25-3703-2-2-1
- 3) Ndërtimi i kanalizimeve në fshatin Zlipotok, 027/621-25-4200-5-2-1
- 4) Ndërtimi i ujësjellësit në fshatin Lubovishtë (Ri tenderim), 035/621-25-8951-5-2-1
- 5) Ndërtimi i kanalizimeve në fshatin Brezne (Projekt dyvjeçar), 071/621-25-8195-5-2-1
- 6) Rinovimi i rrjetit të kanalizimeve në fshatin Rapçë, 072/621-25-8343-2-3-6
- 7) Ndërtimi i kanalizimeve në fshatin Zym (Projekt trevjeçar), 080/621-25-8746-5-2-1

3. Mbrojtja nga vërshimet dhe rrëshqitjet e dheut

1. Ndërtimi i mureve mbrojtëse në fshatin Mlikë, 003/621-25-1538-5-2-1
2. Ndërtimi i murit mbrojtës në fshatin Zaplluxhe (Projekt dyvjeçar) 037/621-25-6688-5-2-1
3. Rregullimi i përroit në fshatin Vraniç, 038/621-25-4956-5-2-1
4. Ndërtimi i mureve mbështetëse dhe mbrojtëse në fshatin Orçushë 058/621-25-6749-5-2-1
5. Ndërtimi i murit mbrojtës në fshatin Globoçicë, 074/621-25-8436-5-2-1
6. Ndërtimi i murit mbrojtës në Qollopek në fshatin Zym (Projekt trevjeçar), 080/621-25-8746-5-2-1
7. Ndërtimi i murit mbrojtës pranë Xhamisë në fshatin Brezne, 086/621-25-9772-5-3-6

V. Punët administrative dhe financiare

Gjatë vitit 2025, Drejtorati ka kryer të gjitha punët administrative dhe financiare të nevojshme për funksionimin e pandërprerë:

- Hartimi dhe realizimi i planit vjetor financiar.
- Përpunimi, kontrolli dhe nënshkrimi i faturave.
- Përgatitja e raporteve, vendimeve, miratimeve dhe korrespondencës zyrtare.

VI. Treguesit statistikore të punës

Përshkrimi	Nr.
Numri total i çështjeve të regjistruara	87
Çështjet e zgjidhura / miratuara	78
Çështjet në proces / të përcjellura	9
Numri i vendbanimeve të përfshira në aktivitetet	30+
Numri i partnerëve institucionalë	15+
Çështjet që lidhen me dëmet dhe vërshimet	
Vërshimet dhe reshjet	9
Zjarret	5
Rrëshqitjet dhe shkëputjet e dheut	4
Tjetër (kafshët, kanalizimi)	4
Aktivitete parandaluese dhe siguria e komunitetit	
Vizitat parandaluese në zonat me rrezik	5
Aktivitete edukative në shkolla	3
Thirrje dhe fushata parandaluese	Më shumë gjatë vitit
Pjesëmarrja në punën e KKS-së	Në vazhdimësi

Paraqitja tabelare e lendeve të drejtorisë

Shërbime publike dhe komunale

Ndriçimi publik

Lloji i kërkesës	Nr.
Marrja e përgjegjësisë për pagesën e ndriçimit publik	25
Vendosja e matësve të rinj	18
Ndryshimi i emrit / pronësisë së matësve	9
Çështje teknike dhe të tjera	6

Furnizimi me ujë dhe Kanalizimi

Lloji i kërkesës	Nr.
Furnizimi me ujë	10
Defekte në kanalizim	8
Çezmat dhe pompat publike	5

Menaxhimi i mbeturinave

Aktiviteti	Nr.	Vërejtje
Fshatrat e reja të përfshirë në sistem	7	Zgjerimi i mbulimit
Takime me këshillat fshatare	93	Punë në zyre dhe në terren
Aktivitetet në deponitë ilegale	Më shumë	Në varësi të fondeve

Projektet kapitale dhe ndërkombëtare

Fusha	Nr. i projekteve
Ndriçimi publik	4
Furnizimi me ujë dhe kanalizimi	3
Mbrojtja nga përmbytjet dhe rrëshqitjet e dheut	Më shumë lokacione
Projektet ndërkombëtare (GGP)	1

Detyrat administrative dhe financiare

Aktivitetet	Vëllimi
Hartimi dhe realizimi i planit financiar	Vjetore
Përpunimi dhe kontrolli i faturave/kuponëve	Në vazhdimësi
Përgatitja e vendimeve, miratimeve dhe raporteve	80+ akte
Korrespondenca institucionale	Në vazhdimësi

VII. Përfundimi

Aktivitetet e parashikuara me Planin e Punës së Drejtoratit janë realizuar në përputhje me dinamikën e planifikuar dhe burimet buxhetore të disponueshme. Drejtorati ka siguruar vazhdimësinë e punës, raportimin në kohë dhe mbështetjen institucionale për Kryetarin e Komunës dhe Kuvendin Komunal.

- Bazuar në të dhënat e paraqitura, konstatohet se Drejtorati gjatë vitit 2025:
Ka realizuar shumicën e aktiviteteve të parashikuara me Planin e Punës për vitin 2025;
- Ka siguruar vazhdimësinë në ofrimin e shërbimeve publike dhe komunale;
- Ka përmirësuar sistemin e mbrojtjes dhe shpëtimit, si dhe veprimet parandaluese në territorin e komunës;
- Ka kryer aktivitete të rëndësishme administrative, financiare dhe projektuale në përputhje me kompetencat ligjore.

Aktivitetet që janë shënuar si pjesërisht të realizuara lidhen me procese shumëvjeçare dhe projekte kapitale, të cilat varen nga procedura shtesë, miratime ose burime financiare, dhe ato do të jenë objekt i monitorimit të mëtejshëm gjatë periudhës së ardhshme planifikuese.

Dragash, Janar 2026

Redžep Ibraimi



Drejtore

Drejtorati për Mbrojtje, Shpëtim dhe Shërbime Publike